



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1663. usque ad annum 1674

**Fleury, Claude**

**August. Vind. [u.a.], 1780**

**VD18 90119193**

§. 147. Continuata Cretensis Urbis obsidio.

---

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII.  
A. C. 1669.

## §. CXLVII.

*Continuata Cretensis Urbis obsidio.*

Interea Turcæ Candiam incredibili tormentorum copia maximoque apparatu arctius cingebant, inter ipsas autem obsessæ urbis ruinas crescebat Venetorum animositas: proximi etiam auxilii spes laboris tolerantiam, & mortis periculique contemptum ingerebat: Certabant enim Germaniæ Principes laboranti Reipublicæ opem ferre, atque inter eos Franciæ Rex ductore Francisco Vindocinensi Duce Belfortio septem peditum millia & quingentos Equites, necnon Bavarix Elector summi Pontificis hortatione, & Brunsvicensium Ducum exemplo animatus, mille pedites, Fürstenbergius Argentiniensis Episcopus quadringentos, Etruriæ Dux centum quinquaginta & totidem Mantuanus & Bellofontius Marefcallus duo peditum millia in Cretam destinarunt; multi etiam alii Principes partim pecunias, partim pulveris pyrii dolia Venetis submisere. Vix Thaddæus Morosinus triginta tria navigia Germano milite, bellicoque apparatu instructa advexerat, cum illico Ahmet Vezirius per amplam murorum ruinam in propugnaculum Sanandream penetra-

Briet. cont.  
ann.  
Nani Hist.  
Ven. l. II.

Dd 3

netra-

Sæc. XVII. netrare molitur, ast a Melitenisibus  
 A. C. 1669. strenue repulsus, pedem referre cogitur,  
 majorem adhuc cladem Turcæ crebro  
 passi sunt ab incensis cuniculis, quo-  
 rum impetu alii in aera, alii in foveas  
 quamplurimi in mare & ignem rapti  
 periere: Ita in mutuas cædes a prin-  
 cipio hujus anni usque ad Mensis Ju-  
 nium fervebant dimicantium studi-  
 iteratisque velitationibus, & crebris  
 assaltibus integri utrinque ordines con-  
 cidebant: Die decima nona ejusdem  
 Mensis Belfortius cum sex peditum mil-  
 libus & sexcentis Equitibus, (ceteris  
 morbo varioque fato extinctis aut  
 arma ineptis) in Candiam ingenti  
 bis gaudio appulsus est, quem paulo post  
 Julius Rospilosus Papæ Nepos cum  
 Pontificiis Hispanisque triremibus seque-  
 batur est. Habebatur illico belli Senatus  
 in quo Venetorum, aliorumque Bel-  
 latorum sententia eo abibat, ut inter  
 hostis continuis velitationibus lace-  
 retur: Galli e contrario censebant, ve-  
 lidis eruptionibus hostium castra, ag-  
 res, tormentorumque suggestus esse  
 vertendos, Turcasque longius ab urbe  
 pellendos: Displicuit ceteris omnibus  
 hoc consilium, nihilominus tamen Gal-  
 moræ impatientes, sibi que solis victo-  
 riæ gloriam vindicare intenti, cum  
 vix triduum sese ex itinere collegissent

Sæc. XVII.  
A. C. 1669.

suos in duo agmina dividunt, & nocte, quæ vigesimam quintam Junii præceferat, ductoribus Bellfortio & Navellio e Sabionarano propugnaculo erumpunt: ast nondum dispulso noctis opaco unum agmen in alterum, quod hostile reputabant, irruit, & Galli in Gallos mutua cæde desævissent, nisi aurora purpureo radio sensim magis magisque crebescens errorem detexisset. Tum vero junctis viribus vicinas hostium stationes adorti, Turcas mæniis propulsant, obvios quosque prosternunt, aggeribusque, quos barbari ad sui tutelam erexerant, solo æquatis tormentorum suggestus, ad colles aufugientibus barbaris, occupant: sed dum aucta vincendi aviditate acrius insistent, inopino casu quædam nitrati pulveris doliola ignem concepere, quorum impetu triginta circiter milites interfecti, ceteri vero humum suffosis cuniculis excutiendam suspicati, tanto obruti sunt terrore, ut solutis ordinibus, armisque indecore abjectis Eques, pedesque confusi neglecto ducum imperio pedem referrent, Navellius quoque, qui altera ex parte Turcarum agmen prostraverat, fugitivos retinere adeo non intentus erat, ut & ipse cum suis ingens spatium fuga emetiretur: quo animadverso Turcæ e colle descendentes

Dd 4 rece-

Sæc. XVII. receptis animis tam presse fugientium  
 A. C. 1669. tergis inhæserunt, ut pene inermes ac  
 timore exanimis Gallos non tam expugnare, quam in aggerum ruinis se-  
 pelire viderentur, captis nonnisi de-  
 cem, cæsis vero plusquam mille du-  
 centis, ipsoque Bellfortio eorum  
 Duce: Tum vero, quod in adversis  
 inopinisque casibus fieri amat, alius  
 alium & præcipue Montbrunus Marchio  
 in Navellium Ducem culpam referebat,  
 cum omnes verius de proprii iudicii  
 pertinacia, & alienæ gloriæ invidia  
 queri debuissent. Enimvero Navellium  
 ceterique Duces hanc cladem generali  
 eruptione reparare decreverant, hanc  
 que in rem habito belli Senatu Gallos  
 milites ceterarum Nationum legionibus  
 quibus loci situs, Turcasque debellandi  
 modus magis erat exploratus, immiscuerunt:  
 Gallis autem metu adhuc trepidantibus,  
 nonnisi levibus, crebris tentamen  
 eruptionibus hostem laceffere, con-  
 sultius videbatur: Jamjam prospero  
 successu sæpius Germani Italique una  
 cum Gallis ex propugnaculo sancti An-  
 dreæ erupere, opportune etiam Julus  
 Rospilioso Architalasso advenerat classis  
 Pontificia recenti milite instructa, que  
 in hostium castra horrendam globorum  
 tempestatem detonuit: in opem quoque  
 excurrere jubentur centum aliæ naves  
 cum

cum quinquaginta triremibus Gallis, Sæc. XVII.  
 quæ in Standia otiose in anchoris hæ- A. C. 1669.  
 rebant; verum Galli vel incendio, quo

utraq; Franciæ Prætoria unacum  
 Pontificia absumebatur, territi, vel me-  
 lioris fortunæ desperatione adacti in pa-  
 triam reduci petebant, suamque missio-  
 nem importunis lamentis & minis ur-  
 gebant: Incassum rogantur, ut ad novi  
 auxilii adventum per Mensem Septem-  
 brem vel in urbe vel in portu subsiste-  
 rent, ut si urbem vix non in suis ruinis  
 sublidentem dedendi necessitas esset,  
 saltem magis honestæ deditiois leges  
 sperari possent. Verum ipsum Navellium  
 Ducem nec indignabundi Regis  
 timor, nec ignominiaæ metus, nec va-  
 lidioris opis spes, nec quæcunque aliæ  
 etiam validissimæ rationes a concepto  
 in patriam remeandi proposito avertere  
 poterant: Ipse quidem Jacobus Conta-  
 rinus Candiaæ Dux convocato Clero &  
 populo, unacum infantibus & mulie-  
 ribus ad Navellii ædes se contulit, at-  
 que inter lacrimas, singultus & ulula-  
 tus per omnia sancta & sacra eum ro-  
 gavit, ne tot Ecclesias, Altaria, Mar-  
 tyrum ossa, Nobilium ac Belliducum  
 cadavera, sexum imbellem, & tene-  
 ram innocentium ætatem Turcarum  
 prædæ, furori, ac libidini exponere  
 vellet. Incassum tamen omnia; Dux  
 D d 5 enim

Sæc. XVII. enim die decima sexta Augusti suos ne  
 A. C. 1669. vibus impositos Staudiam conduxit,  
 urbemque ad incitas redactam, & non  
 nisi sex præfidiariorum millibus mun-  
 tam reliquit.

## §. CXLVIII.

*Candia Turcis dedita.*

*Nani l. c.  
 Tuld. Hist.  
 decen. l. 2.*

Comperto Gallorum discessu Vezir  
 collecto omni ferme exercitu  
 utrumque propugnaculum aggressione  
 fecit, tanta tamen strage repulso  
 sui horrendo interfectorum aspectu ter-  
 riti, nec minis nec promissis ad po-  
 gnam revocari possent: interim ve-  
 Mirandulæ Dux die vigesima prima Au-  
 gusti cum triginta navigiis pecunias  
 bellicumque omnis generis apparatus  
 adduxerat, unacum mille armatis, quo-  
 rum tamen potissimi rei militaris igno-  
 aut morbis, itinerisque maritimi calu-  
 mitatibus pene confecti, potius in ur-  
 bis excidio socii, quam in ejus præ-  
 dio auxiliares esse poterant: nihil  
 minus Veneti novissimo conatu iterato  
 Turcarum insultus per aliquot heb-  
 mades sustinent, vicissim vero Turca  
 novo impetu propugnaculum S. An-  
 dreæ infestant, & numero longe super-  
 riores transcendunt: fugiunt Itali, im-  
 moti persistunt Germani, & ductore  
 Ræ-